

新安縣志卷十一

十一

新安縣志卷之十一

新安縣知縣邱 峨續纂

人物志

醇行

忠直

增

孝友

分

義行

分

鄉賓

增

文苑

訂

隱逸

事略增

遊寓訂

方技增

列女訂

聞之一士止數萬之師一賢制百里之難邑信以人
重哉顧偏全不同要皆卓然有所表見大約以濟國
事則忠貞著以正學術則德行敦以宏盛業則經濟
蔭以表倫常則節烈重以風高蹈則隱逸名蓋山川
所鍾毓教澤所流遺非偶然也韓愈志人物其已列
祀典者既錄載鄉賢忠義節孝各目此外有至行可
嘉尚未與於祀典以及學問文章一材一行
之不可沒者悉分日附載用著邑乘之光焉

醇行

人物志第一

立身之道勵行為重六經並傳專一經亦足以號大雅五倫並垂缺一倫不足以見碩德故制行總歸於能醇也然勵志潛修偏全不必強同而大以成其大小以成其小表裏幾於無憾均足以光日月而壽山河謹據舊志所載及迄今可採者志之以示法勸焉

明

凡四

黃

道

字性軒本布衣從孟雲浦先生講學性純篤每事謹嚴而教家尤恪道還遺金不語其人以姓名積學既久理亦明悟撫臺鍾化民訪雲浦先生因至其家與談終日奉以蔬食旌其門曰質行善人及沒雲浦先生以配二賢祠

郭士慈

字梅山亦布衣性頗嚴厲聞孟先生講學銳志向在大變氣質晚年益精進先生重器之沒配

二賢祠

趙永澄

字則映孝事繼母无友愛其異母弟性忼直友有過若己之過規切峻厲人莫不憚嚴友某害於德性剛使氣衆不敢言獨正色規之語極峻直友怒詈之人皆不堪則映不為變友卒悟聞其友陳仁甫死號哭中野聲振山木行道之人嗟異從孟雲浦先生講學

王誥

號前川邑庠生篤行嗜學為雲浦先生所敬重與之同講席常邵客遺金救人之危而不望報著簡韻四卷五子內外孫四十餘人多以文行顯著

忠直

增

人物志第二

強項不屈，鉄判難移，千古而下猶覺風采凜然。要皆真性固結，自然流露者也。最爾新捐軀殉國，忠烈既多，可傳而正色立朝，忠直亦復有人。爰擇其尤著者，臚於冊用彰骨鯁之概焉。

明

凡二
人

劉惟信

佟志云：居鄉閭以謙謹公直聞里人，有過者多不告之官而訴之。惟信信為辨其是非，咸服而去。洪武間以人才舉兩浙鹽運司同知。

郭如星

佟志云：字方壹，萬厯己丑進士。歷仕吏科都給事中。神宗時冊立東宮，以死力爭立朝多所建白。章奏侃侃无重於時。

此篇尾
空十行

孝友

人物志第三

人之道莫大於孝弟。性克篤懿，行斯彰。或盡職於常，或殉難於變，均足維綱。常而勵風化，故凡堪光邑乘者，悉臚列事蹟，姓名於左。

明
凡四

劉 戡

字樂吾，邑廩生。從尤西川先生遊，潛心理學。性至孝，常欲圖母像，每不能肖。一夕夢母覺而圖。

畫如生，其精誠感通如此。理學孟雲甫先生作墓表，紀其事。詳藝文。

黃 祥 齡

基昌子，年十五。崇正壬午，寇亂，失母所在，不避兵刃，尋之幾出虎口。卒遇害。邑人哀之。墓昌廩。

生事母亦至孝。素為士林推重。

韓 趙 璧

字連城，舉崇正癸酉科鄉賓生。揮子佟志云：居母喪，盡禮。尤愛諸弟，人稱孝友。國朝任湖廣。

辰溪令有惠政
邑民立祠祀之

郭萬里

終志云臨漳教諭孝友著聞卓冠羣倫

國朝

兄十人

裴

岨

兵部員外郎泰仲子讀書篤志事父母曲盡孝心以母歿成疾先其父卒臨終泣曰生不克事父死可見母矣人皆感泣

郭任禧

字介侯邑庠生孝友醇謹康熙辛未歲饑舌耕南陽內鄉儉儲修脯寄籍養親並給同懷兄弟親沒展禮兼盡新洛間從遊者多成名八十三卒邑司訓郭大升銘其墓

常肇吉

字孟祥事母秦孺人色養四十餘年及歿哀禮兼盡性廉讓行方正博極羣書不干外事族兄某以饑鬻之田間十一年歲大熟許減價贖歸雍正二年邑令聞其賢舉鄉飲大賓以丁艱辭

不赴晚年任陳留教諭清廉勤慎有一介不取之操留之士敬服德教稱三良夫子蓋謂鄉良士國良臣學良師也著有規學錄自箴質言及詩古文

高水福

家清素父嗜酒好客而不自言福陰逮其執友陳肴具甚咸每飲必作永夕歡父醉侍牀側終夜者候叔父登第死迎養其叔母收恤從弟又代償其風債甚夥平生口必擇言言無不踐者庠生性至孝事繼母曲盡子道內外無間言士論崇之

韓大體

侯鐸周

性至孝教書澠邑距家二十里日下春歸省親鷄鳴即赴館或二日一歸或三日一歸父病篤

屢嘗羹一夕忽泣然曰羹腥矣病必不起果卒哀毀幾絕門人澠邑庠生楊長庚述其事

郭履吉

字祥元邑庠生授徒養親為義學館師三十餘年多所成立嘗辭邑令存廉鄉飲之舉門人姬儀鳳貧孤不取脩脯孟承宣因貧廢學已充縣吏請諸邑宰令肄業旋遊津卒年八十生平規

言矩行邑人
稱為端士

郭謙吉

郡庠生字文六孝友耿介讀書不干外事父壽官任科生平濟荒卹鄰諸義舉皆順志調度費

志以没人
咸惜之

王大鶴

字請園庠生父病日侍湯藥不解衣者三月友愛兄弟成就後學周貧急死無所歸者葬之

何 鏐

庠生出後叔父克盡孝道本生父卒於原武學署鏐奔赴扶視歸里本生兄貧之時給其朝夕

友愛
無替

續補一人

韓萬善

韓志云邑庠生孝廉錫璫父天性仁孝篤友于樂施濟器量坦白豁如也

此篇尾
空一行

義行

分

人物志第四

周急詳於魯論任卹著於周禮要皆本好義之心見諸行事者也程子曰一命之士苟存心利物於人必有所濟則夫排難解紛仗義疏財寧非所謂賢豪者流哉韓僊志舊著孝義一目今分列爲二並於義行之散見全志別目者按歟摘錄至二志孝義末所紀者善十五人義輟六人韓則空列姓名僊亦未爲詳核又不得以未合志體柴行刪削也姑仍附篇末以俟異日之考補

明

一 僊志一人 呂氏家乘二人 劉志一人 凡九人

賈夢鯉

官典膳隆慶四年冬邑署令張彥司訓劉極李達秦偕邑紳士重修奎樓夢鯉聞風馳至願捐

賈以襄其事二司訓以語弦曰公知賈子之宅心制行乎登載業儒長益重文學崇尚禮義嘉靖四十四年曾捐百餘金修理文廟今歲又捐百餘金脩葺崇聖祠其他建立鄉塾措置義田

以及四境橋梁道路之脩理未易枚紀此舉實
費子由來之誠也公奚異乎碑又載夢經事繼
母以孝聞處鄉黨以義著鄉評允孚藩府褒嘉
其生平好善慕義固可見矣舊志遺失謹補入
以為義行之冠

郭榮國

佟志云任懷慶教授千金弗受太守稱為
義士又嘗修理韋懷學宮城池勤勞有功

張文明

按佟志橋梁注云天啟六年呂都憲創修尚義
橋義士張文明與鄉民馬山等協力助修又城

池注云崇正時呂忠節移北城於慕容山巔獨
領築北城之半文明偕義民陳明英韓復本等

各協修數大
踰月工竣

韓復本

事見前張
文明傳

呂維祚

明末廩監生崇正年間以賑饑同兄呂忠節呂
維祜呂維祺呂維姓呂兆璜呂兆琳同案蒙施事詳

家乘

呂維祺

字是孺明末殉難
事見前呂維祚傳

李登英

佟志云字名揚犯賊死難義氣凜然又邑明經
韓之俊義士記登英關門人先世有潛德至英

益篤其行知大義尚意氣里人重之天啟五年
冬群盜夜攻關門鎮人皆伏英挺身登屋飛瓦

擊盜盜仰射矢中英胸英拔矢從屋投下擒一
盜盜將却英大呼曰吾獲盜矣里人皆起賊衆

聞盜被擒回擊英於是殞命縣令解君偕兩學
博及各職往視之莫不稱異親自為文祭之妻

劉氏聞變欲以身殉不食累日親黨勸以遺
孤尚存乃稍寬解子祥進士授東阿縣知縣

王尊賢

佟志邑增生曠達負義每以陰陽勸人荒歲全
活姻親趙生繫獄為典衣贖罪子澤弘舉崇正

癸酉科任
漳縣知縣

補劉志一人舊志無

孫 曷 劉志云字翌明嘉靖七年歲大荒宜新邇人相食曷出粟賑之存活甚衆知縣李敷以上聞賜

義官

國朝 摘韓志各目一人呂氏家乘一人劉志二人續九人凡十三人

呂兆璜 字伯玉事見前呂維祚傳

王澤溢 字體謙由拔貢任湖廣德安通判韓志稱其居官廉慎慈仁居家朴素平易娟冰俸歸賢令之

骸骨竭心力正誤造之賦役有為有守蓋本性術為經術者也著有澹菴集傳詳藝文

邵自昌 劉志云施茶克昌鋪歷二十年不懈知縣劉夢柱奉文賜銀牌給匾旌其門

邵士文 性孝友好施予出繼長門得澠邑地百餘畝念胞兄士恩堂弟士榮人口衆多推以均分毫無

吞入施茶濟行人數年不
怠雅大中丞賜銀牌旌之

趙維愚

字若菴慷慨好施與堂兄弟維庚等因分產不
均致訟愚以已業四十畝與之訟遂解堂姪節

婦田氏無子貧甚衣食時周歿時營其葬買生
員孟鄒傳房院一區價百餘金後以孟無居止

既訐回贖陸續完價復於陳斗山氏給以棺木
王鳳山及董傑邵希賢妻之喪施以葬地登第

善坊雅大中丞匾
其門曰梓里楷模

王君向

字臨之勸喻族黨令無爭訟嘗修山
途以通車馬辦漕一事尤多勤勞

張羽忠

字岐山少失恃孝事繼母性好施與嘗助友人
婚娶銀五十餘兩山西閩喜王姓夫婦暨澤州

陳七桑病俱為收養調治數年乃歸鄰里有爭
一言輒解臨終時喚欠債者於家焚其券人咸

義之

党瑾

太學生居心忠厚嘗收存山西商人黃渭銀六

翟建賢

性樂施予時以衣食周里中貧乏族人無
歸者收養之邑令賜以匾曰好善不倦

王宗宥

生員德惠及人以睦
姍任邨見稱閭里

党廷楹

字巨卿庠生淡泊
自甘好濟貧乏

王允貞

劉志云字玉吾性耿介生平疾惡
甚嚴鄉里有不足者輒周邨不吝

楊生龍

性和平善誘童蒙樂于濟阮撫困前
王大中丞雅大中丞並有給獎銀牌

耆善

附

明

凡十人

邱浩

陳保民

王景先